

Kikkuuvugut?

PI/SPS Kalaallit Nunaanni kisiartaalluni perorsaanermut ilinniartuuvuq.

Isumaginninnermik ingerlataqarfiup iluani pikkorissutsimik qaffassaaqataasunik ilinniakkanik pikkorissarnernillu neqerooruteqarpugut. Ilanngullugu apeqqutigineqartillugu pikkorissaanernik naleqqussarlugit aaqqissuussanik neqerooruteqartarpugut. Pikkorissaasarnertit neqerooruterpassuagut nittartakkatsinni takukkit.

Takorluugarput:

- Inuiaqatigiinni perorsaaneq pillugu ilisimasaqassutsip pingaaruteqassusia isiginiarpugut, tamanna innuttaasut tamarmik ineriartornerannut ingerlalluarnernannullu tunngavissisussaammat.
- Tunngaviusumik isuma aallaavigalugu sulivugut, tassalu perorsaanermik sulinermit "inuk tamarmiusoq" aamma inuit ataasiakkaat inunnik allanik susassareqateqarnerat isiginiarneqassasut.
- Ilinniarfiorusuppugut akuerisaasoq orniginartorlu, piginnaaneqarfittut qitiusoq, ilisimasaqassutsikkut qajannaatsumik tunngavilik aamma isumaginninnerup perorsaanerullu iluanni ilinniartitaanernik siuariartornermik qulakkeerinnittoq.

Attavigitigut

Telefon: +299 38 35 50

Mail: kursus@pi.sps.gl



PI/SPS Socialpædagogisk seminarium

Marralinnguit 40

3952 Ilulissat, Grønland

Perorsaanilerinermi Diplomimut Ilinniagaq

Modul 2

Qaratsakkut tarnip pissusaani pissutsit



PERORSAANERMIK ILINNIARFIK
SPS - SOCIALPÆDAGOGISK SEMINARIUM - <http://pi.sps.gl/>

Ilisarititsineq

Perorsaanilerinerimi Diplomimut ilinniarnermi moduli una ilaavoq, taamaakkaluartorli modulitut ataasiakkaatut tiguneqarsinnaalluni. Moduli 10 ECTS-point-qarpoq.

Perorsaanilerinerimi Diplomimut ilinniarnermi ilinniartoq katillugit 60 ECTS-pointit peqataaffigisimassavai, taakkunannga 25 ECTS-pointit modulini peqataaffigineqartussaallutik, 35 ECTS-pointit modulini nammineq toqqagassaallutik.

Ilinniartoq ilinniartitsinerimi peqataassaaq, ataatsimoorluni ilinniartunut isummersoqatigiinnermiluunniit piffissaliisassaaq, modulimilu misilitsinnissamut piareersarlunilu peqataassaaq, modulip naammassinissaanut peqataaffigineqartussamut.

Modul 2

Moduli 2-mi qaratsakkut tarnip pissusaani pissutsit taakkulu ineriartornermut, atugarissaarnermut, ilikkagaqartarnermut ileqqorissaarnermullu tunngatillugu meeqqanut, inuusuttunut inersimasunullu qanoq sunnuteqarnerat sammineqarpoq. Ilaatigullu ADHD, autismeqarneq (ASF), Tourettep nappaataa, OCD, skizofreni aamma sualuttumik uteqqaaffigisaqartarneq, tassunga ilanngullugit ilisarnaatit, nappaammik suussusiliineq perorsaanilerinerimilu iliuuserineqarsinnaasut sammineqassallutik.

PIFFISSAQ: Moduli ullut arfineq pingasut ingerlanneqassaaq, nal. 08.00-miit nal. 16.00-mut. Sapaatip akunnerini 5-6-ni, 2026 ingerlanneqassaaq, ulluni 26. januar 2026-miit 04. februar 2026-mut.

QINNUTEQARFISSAQ KINGULLEQ: 09. januar 2026, kl. 12.00.

ILINNIARTITSERIAASEQ: Online-kkut ilinniartitsineq.

MODUL-IMI MISILITSINNEQ: Allaaserinninneq oqaluttariarsorluni misilitsinnertalik sap. Akunnera 7-miit 10-mut ingerlatsiviusassaaq.

Ilinniartitsisoq

Eva M. Qvist Perorsaasutut sammivilimmik bacheloritut ilinniarsimasuuvoq, kingornatigullu Piginnaasakinnerusunik Perorsaanermi Ilinniagaq naammassillugu.

Sullinniakkat

Ilinniartut Perorsaanilerinerimi Diplomimut Ilinniakkamut imaluunniit modulunut ataasiakkaanut tiguneqartarput, qinnuteqartoq:

- Ingerlariaqqiffiusumik ilinniakkamik isissutaasinnaasumik minnerpaamik inuussutissarsiummik ilinniagartuutut ilinniakkatut qaffasissusilimmik naleqquttumik naammassinissimassasoq,
- Ilinniakkamik isissutaasinnaasumik nammassinnereernerup kingorna naleqquttumik perorsaanermi inuussutissarsiornermi minnerpaamik ukiuni 2-ni misilittagaqassasoq,
- Qallunaatut atuarsinnaanermut, paasisinnaanermut oqaasertalersuisinnaanermullu oqaatsitigut piginnaasaqassasoq aamma.

Peqataanissamut nalunaarneq aamma taamaatitsineq

Immersugassaaq digitalimik (nittartagaq aqqutigalugu) imaluunniit anillatsillugu immersorneqarsinnaavoq uungalugu nassiullugu kursus@pi.sps.gl.

Peqataanissamut qinnuteqaammut akissutit, qinnuteqartitsinerimi killigitap kingorna ilisimatitsissutigineqassapput.

Modulimut peqataanissamut qinnuteqarnermi sulisitsisup akuersinera, atorfeqarsimanngikkaannilu peqataasussatut modulip imarisaanik paasinninnermut uppnarsaat ilaatinneqassaaq.

Peqataasinnaajunnaaruit, tamanna piorsaavimmut nalunaarutigissavat mailikkut kursus@pi.sps.gl imaluunniit sianerlutit +299 38 35 50.

Uppernarsaat

Modul-imi misilitsinnermi angusinnermi modulimik ingerlatsisimaneq uppnarsaammik tunisiviusassaaq. Ilinniartut ilinniarnermi pilersaarutillit uppnarsaammik tunineqassanngillaq, ilinniarnerat sulii ingerlammat.